

宋

史

翼



孫潼發

蔡逢甲

謝國光

陸霆龍

熊禾

文天禎

史蒙卿

吳思齊

黃丙炎

王炎午

鄭思肖

鄧光薦

朱元昇字日華黼從子嘉定武進士棄官不仕入南  
蕩山嘗曰貫三才之道者莫大於易精研三十年沛  
然有得乃著三易備遺十卷行於世嘗於其鄉築堰  
備水鄉人德之名朱公堰

平陽縣志

許月卿字太空後字宋士婺源許昌人祖琳輕財好  
施朝廷旌其閭曰許長者父大寧有學行月卿年十

六鄉試冠亞選往師魏了翁聞六經之要嘉熙四年  
及第時徐元杰力攻史嵩之嵩之陰殺之月卿率三  
學諸生伏闕訟寃理宗嘉其忠而外畏嵩之目爲狂  
士除京教授言丞相謝方叔子干政又言余玠子如  
孫帥蜀無狀坐落職董丞相槐引留之又數上書斥  
丁賈奸邪出佐江西遭宋亡衰服深居三年不言門  
人江愷嘗問其故月卿大書范燦寢所乘車事以付  
之後雖言嘗如病狂不可了晚號山屋所著有山屋  
集及書經註百官箴行世謝登山嘗書其門曰要看  
今日謝枋得便是當年許月卿子飛字仲鵬著詩文

卷二十四  
一  
有小山集

新安文獻志六十六山屋先生行狀

胡三省字身之靈海人寶祐進士終朝奉郎因資治通鑑音義釋文各本乖異刊正爲廣注九十七卷著論十卷以薦參賈似道軍言輒不用歸而遇亂失前書復購他本爲之注始以考異及所著者散入通鑑各文之下歷法天文則隨目錄所書而附著焉若釋文之外謬悉改正之著辨誤十二卷復有竹葉稿一

百卷

台州府志

唐珏字玉潛山陰人家貧聚徒經營修甕以養母元至元十五年總江南浮屠者楊璉真伽發宋陵寢斷

殘肢體攬珠襦玉匣焚其齒棄骨草莽間珏時年三十二歲聞之痛憤亟貨家具得白金百星許執券行貨得白金又百星許乃具酒醪市羊豕邀里中少年若干輩狎坐轟飲酒且酣少年起請曰君儒者若是將何爲珏具以告眾謝曰諾中一少年曰事露奈何珏曰余固籌矣今四郊多暴骨取竄以易誰復知之乃斲文本爲櫃復以黃絹爲囊各署其表曰某陵某陵分委而散遣之絕地以藏爲文而告詰旦事訖來集出白金酬之戒勿泄越七日瘞浮屠下令哀陵骨雜牛馬枯骼築一白塔壓之名曰鎮南總浮屠死山

陰人始有藉藉傳珏事者未幾越有袁洽中爲子求師有以珏薦一見置賓館一日問曰吾渡江聞有唐氏瘞宋諸陵骨子豈其宗耶左右指曰此是已袁大駭曰君此舉豫讓不能抗也曳之坐北面而納拜焉禮敬特加情款益篤叩知家徒四壁惻然嗟矜語左右曰唐先生家甚寒吾當料理使有妻有田不數日二事俱愜人固奇珏之節而又奇珏之遇

西湖游覽志

柴望字仲山號秋堂其先衛人徙居江山淳祐六年丙午元旦日蝕詔求中外直言乃探丙丁龜鑑十一卷起周威烈王五十二年丙午止後漢高祖天福十

二年丁未自秦漢五代上下通一千二百六十年爲  
丙午丁未二十有一數其吉凶禍福於前指其治亂  
得失於後正月書成上進忤時相意秋七月詔下府  
獄逮詰幾不免時趙與憲上疏言柴望忠誠懇切所  
述根據史傳未可重以爲愆得旨放歸田里抵家和  
淵明歸去辭以自遣隱長臺之高齋有樓扁曰奇氣  
廳曰百客乃肆意名勝登天台雁蕩之巔由吳江涉  
廬阜泛湘流探赤壁居武夷山中踰歲乃返景炎二  
年三山孔大諫舉薦奏授迪功郎史館國史編校屢  
進疏論是時顛覆益甚遂歸山中及宋亡杜門謝客



獨臥一榻而感慨激烈每於吟咏間見之從黃通判  
隨亨制參元亨察推元彪俱與同志遊跡不事二姓  
賡咏于煙露之間稱柴氏四隱云卒至元十七年年  
六十有九著有丙丁龜鑑道州台衣集詠史詩涼州  
鼓吹皆行于世

柴氏四隱集附錄  
吳幼安秋堂墓誌

隨亨字剛中號瞻帖居士寶祐四年知建昌軍宋亡  
隱于樾林九磑之間

元亨與隨亨同年進士幼試神童科免辭初任齊陵  
令轉監丞

元彪字炳中號澤庵居士官觀察推官著有穠綠集

江山  
汪志

蒙亨亦望之從弟甫能言卽口授書十萬餘言不忘  
六歲暗誦九經通春秋大旨郡將試童科作文者二  
以神童聞得免解端平二年初赴省嘗從幸六和寺  
上指示塔云一塔七層八面萬佛千燈蒙亨卽應聲  
曰孤舟雙槳片帆五湖四海大嘉之有詩集若干卷

兩浙名  
賢錄

汪暉字處微績溪西園人從直閣汪文振學長兄暘  
死遂感傷無用世意結廬曰環谷取六經諸子百氏  
之書日益鑽研鄉有義役強不逞者欲破壞之暉力

扶持蹈禍機不少沮給事袁甫守微造門求見以編  
氓辭甫歎息而去參政真德秀知其名命知縣李遇  
訪其言行之實將薦於朝未果而德秀卒遇在縣政  
事必咨之晫寢疾遇入問晫無所囑賦如夢令一闋  
而逝鄉人私謚曰康範先生所著有環谷存藁及纂  
編曾子十二篇子思子九篇德祐元年孫夢斗上其  
書特賜通直郎

新安文獻志八十七  
呂午康範先生墓誌

晫孫夢斗字以南號杏山景定辛酉魁江東漕試調  
江東司幹官咸淳間爲史館編校與葉李等上書論  
賈似道不臣悞國忤旨斥歸元至元己卯以尙書謝

昌言薦辟取趨京不赴遂擬將仕郎教授鄉郡見謝  
有詩云執志本期東海死傷心老作北朝臣後江東  
提刑奧屯請任考試郡縣儒人爲定籍嘗撰富山廟  
顯靈碑記陳齋盧公讀之謂文似韓柳所著有雲閣

集北遊集

徽州府志

劉應登字堯咨安福人景定間漕貢進士宋社將危  
隱居不仕其爲文出入經史劉辰翁趙文交推許之  
所著有耘廬集詩經訓註杜詩句解行於世

林志

王幼孫字季稚廬陵人性篤孝母劉疾苦疾醫莫之  
治一日夢南陽活人書或投甘桔湯良覺如夢立愈

寶祐丙辰赴闕上書言國事萬餘言不報歸教授於鄉宋亡其友文天祥兵敗被執過廬陵謁於驛舍爲文祭之期以必死辭氣慷慨左右嗚咽莫能仰視自是日與賓客過從守經執禮以終年七十六所著有中庸大學章句二卷太極圖說擬答朱陸辨深衣圖辨經籍論易通貫三爲一圖家傳譜系簡便經驗二方一卷雜著若干卷

程雪樓集

錢選字舜舉號玉潭

李日華云又號吳峰

烏程人景定三年進

士元初吳興有八俊之號以子昂爲稱首而舜舉與焉及子昂被薦登朝諸公皆相附取官達獨舜舉

歸不合流連詩畫以終其身人物山水花鳥師趙昌

青綠山水師趙千里尤善作折杖其得意者賦詩其

上畫史嗜酒不醉不能畫然絕醉不可畫矣惟將醉

醺醺然心手調和時是其畫趣畫成亦不暇計較往

往爲好事者持去荆源集嘗借人白鷹圖夜臨摹裝池

翌日以所臨本歸之主人弗覺也鄉人經舜舉指授

類皆以能畫稱家有習懶齋因自號習懶翁嘗川翁

清癯老人皆其別號也吳興舊聞補引媿古錄

牟巖字獻甫一字獻之父子才大節重一世巖在旁贊助

居多人謂存齋有子矣馭歷踰二紀所至以廉靖仁

厚稱理宗訓辭有曰

陵陽集序

爾之木學漢人所稱家之

珍寶國之英俊者秉平反之筆以廣哀矜之意除大

理司直

劉後村集外制

至元丙子卽杜門隱居凡三十六年

陵陽集序既與世相違優游事外居家庭之間與子應龍

自相師友日以經學道義相切磋磨學者有所不知必

之讎考實焉其於前朝制度之損益故家文獻之源

流歷歷如指諸掌

黃潛陸山文集序

爲文操筆立就若不經

意而有過人者晚歲筆力逾勁南北學者皆師尊之

達官鉅人嚮慕拜謁求文者相屬於門文益富於壯

作年八十五以終

陵陽集序

陳存字體仁號本齋龍泉人占安吉州籍舉清祐七年進士寶祐五年以史館校勘召試除祕書省正字歷祕書著作郎仍兼景獻府教授累遷兵部尙書端明殿大學士知慶元府沿海制置使國亡歸苕以春秋經學教授生徒勞志參括蒼彙記元遣使七徵不起尋邁疾卻醫絕食旬有四日卒嘉靖浙江通志趙良淳死國體仁挽之以詩其末章云慷慨君酬國奔逃我喪家陸沈同一壑淵涉渺無涯祈死惟嫌晚餘生只自嗟蒿萊連雉堞落日噪棲鴉詩凡三章載浩然齋雅談讀其詩可以想見其人矣

周密志雅堂雜鈔



周密字公謹曾祖祕自濟南來寓吳興至密四世表

元齊東野語序雅思淵才韜暉沈聲馬廷鸞碧梧玩臺閣之

舊章宮府之故事汎濫淹注童而習之戴表藏書萬

卷居饒臺榭弁陽山水清峭遇好景佳時載酒肴浮

扁舟窮旦夕賦詠於其間荆源集弁陽詩序最為馬廷鸞所

知癸辛雜識寶祐間為義烏令圖繪景定二年為臨安府

幕屬癸辛雜識光祖再尹京余為帥幕云云監和劑

藥局充奉禮郎兼太祝癸辛雜識前集余為因局云

稱國局監局三十人咸淳十年為豐儲倉所檢察雜

以士人經任者為之余為豐儲倉凡二見不言何官案宋邁既徂志節不

豐儲倉有檢察一員見雜識外集

屈王行半軒集

與楊沂中諸孫大受有連去而寓杭陵陽集復

菴記參荆源集

所居癸辛街卽楊氏瞰碧園也遺民疇士日

接於野荆棘銅駝適當其會

石民瞻志雅堂雜鈔序

唱和者王

沂孫王易簡馮應瑞唐藝孫呂同老李彭老陳恕唐

珏趙汝鈞李居仁張炎仇遠皆宋遺民也樂府補題其詩

少年流麗鍾情壯年典實明贍晚年感慨激發荆源集

有蠟屐集弁陽詩集

碧梧玩芳集

樂府妙天下協比呂律

意味不凡有賀州漁笛譜

王楙跋

善畫梅竹蘭石圖繪寶鑑

多藏書法名畫

柳待制文集題江磯圖後

以鑑賞游諸公

袁清自容集

號草窗又號弁陽嘯翁又號蕭齋又號四水潛夫又

號華不注山人

癸辛雜識樂府補題  
武林舊事絕妙好詞

晚更號弁陽老

人由博返約落其英華澄然一室刻石自銘

陵陽有集跋

齊東野語癸辛雜識志雅堂雜鈔浩然齋雅談浩然

齋視聽鈔澄懷錄乾清起居注乾清歲時記武林舊

事武林市肆記湖山勝概弁陽客談雲煙過眼錄絕

妙好詞

石民  
瞻序

文及翁字時舉號本心綿州人舉進士爲昭慶軍節

度使掌書記寓居烏程官至簽書樞密院事國亡隱

身著書元世祖累徵不起閉戶校書通五經尤長易

數之學子志仁字心之常州路教授

湖州府  
勞志

胡一桂字廷芳方平子易學得於家庭景定間領鄉薦入元不仕退而講學遠近師之嘗入闕博訪諸儒以求朱子緒論歸則哀集諸家之說以疏朱子之言爲易本義附錄纂疏及本義啟蒙翼傳其言曰易道有四象爲要易學有四占爲難朱子啟蒙本義專主卜筮本義又專以象占示訓蓋皆引而不發待學者自悟爾又爲詩傳附錄纂疏十七史纂人倫事鑿歷代編年諸書所居前有二小湖自號雙湖居士學者稱雙湖先生

新安文獻志七  
十胡玉齋傳

何夢桂字巖叟涪安人幼穎悟從鄉先生夏納齋遊

咸淳元年廷試第三授台州軍判官改太學錄選博  
士倅吉州時廂軍鼓譟夢桂往諭遂帖然除太常博士  
轉監察御史抗疏言時政甚切遷軍器監以歸尋  
轉大府卿時事已不可爲矣元初薦授江西儒學提  
舉以疾辭不赴築室小有源不復與世接著書自娛  
有易衍大學說中庸致用等書學者稱爲潛齋先生

祠之於石峽書院

嚴州府志

方逢振字君玉逢辰弟學問亞于其兄登景定三年  
進士志官太府寺簿宋亡退隱聚徒講學于石峽書  
院元世祖詔起之辭不赴終于家學者稱山房先生

嚴州 蓬辰詳列傳中

趙若恢字文叔生而秀異甫成童能默誦五經爲文數千言立就嘗應詔言事悉時政所急弱冠登咸淳乙丑進士朱亡避地新昌山遇族子孟頫與居相得甚時元主方求索趙氏之賢者子昂轉入天台依楊氏爲元所獲若恢以間得脫程鉅夫之使江南也有司強起之稱疾且曰堯舜在上下有巢由今孟頫孟貫已爲徵箕願容某爲巢由也鉅夫感其義釋之於是僻處城東北隅杜門不出深衣大帶摩娑古柏間年八十餘龐眉皓首四方徵文獻考詣之多謝卻焉

東陽  
縣志

孫潼發字帝錫桐廬人咸淳四年進士調衢州軍事  
判官有廉能聲家鉉翁詳刑江左雅知潼發所至輒  
挽以自隨獄事悉委焉屬部民有縱火殺人者株連  
坐繫甚眾歲久不決潼發探得其情多所平反衢俗  
好鬪少不相能則弄兵以相讐殺潼發被郡檄徧行  
郵落戒諭之皆委刀劍爲良民秩滿除御前軍器所  
幹辦公事宋亡避地久之乃歸程鉅夫求遺逸得潼  
發以應詔固舉不起

嚴州府志

蔡逢甲字國賢福建漳浦人受業陳淳之門嘗與淳

辨論河圖洛書同異及太極圖西銘相發明處稱其  
有特見登咸淳四年進士詔主廣東漕舉值宋亡入  
元不仕自號棄夫作悟道書院於大帽山下以隱焉  
時高其誼謂之故宋使臨歿自題墓碑曰前宋進士

蔡逢甲墓著使公講錄

福建通志

謝國光字觀夫號節齋晉太傅安二十六世孫六世  
祖某隱居華亭南之立極遂爲邑人宋咸淳九年領  
鄉薦明年上春官以所對策剴切主司畏賈似道不  
敢取例補太學生宋亡遂不仕元治書侍御史程鉅  
夫奉詔搜賢或以國光薦輒杜門稱疾以經史自娛



至正乙酉卒遺命題其墓曰安節表其志云孫晉字

彥明善醫有文行

顧志  
節義

陸憲龍字伯靈咸涖鄉貢進士禮記都魁宋亡卽棲  
隱講授終其身衣冠不易自贊畫像云勤勤劬劬耽  
嗜慕悅而不忍舍者聖賢之書越越起起畏懦退縮  
而不敢登者世利之途暈輕霞以爲臉樓積雪以成  
軀衣前後而襜如儼張拱而徐趨或者見之而指笑  
此必抱遺經行古道之拘儒

顏志  
節義

熊禾字去非號勿軒一號退齋福建建陽人幼有志  
濂洛關閩之學師事朱子門人輔廣鈞考經傳沈潛

天人道德之蘊登咸淳十年進士授汀州司戶參軍  
宋亡不仕築室雲門山四方來學者雲集糲食澗飲  
日以孔孟之道相磨礪謝枋得聞禾名自江右來訪  
抱持而哭曰今天下皆賊也不爲賊者足下與我耳  
留數月不忍別後歸故里復創鰲峯書堂祀周程朱  
張五賢益肆力於六經謂朱子平生精力惟在易與  
四書兩部詩僅完藁尙書開端而未及竟三禮雖有  
通解缺畧尙多勉齋黃氏信齋楊氏粗完喪制二編  
而授受損益精意竟無能續若春秋則不過發其大  
義而已固於每經取一家之說爲主而裒眾說以疏

之剖析異同多擴先儒所未發元至元中徵聘者一  
州府辟請者三省引疾不起新安胡一桂詣禾質問  
及退自歎不及就禾講切者十有七年禾所解自易  
詩書春秋孝經四書小學外其他農禮兵刑皆有撰  
述感世俗葬祭者多爲異端所盪正以聖道勒成一  
帙解其惑晚年更修三禮通解未及脫藁而卒禾文  
學負一時重望嘗修考亭書院而爲之記後有再求  
記於翰林學士吳澄者澄見禾所作遂拱手閣筆生  
平與許衡出處各異然禾謂衡倡明朱氏之學啓沃  
君心栽培相業而衡序禾遺集有立綱常闡世教紹

統緒之稱論者以爲志同道合易地則皆然也同邑  
安實字子仁哀長吉曾孫以哀爲嫌遂易今姓遊禾  
門禾於諸弟子中首器重之志剛好學其憂憤鬱懣  
之氣往往發於文章三預計偕竟齟齬而卒

福建通志

文天禎丞相天祥兄也寶祐間鄉舉署廣濟學論造  
士有方士風丕變宋亡天祥死節天禎不仕寓廣濟

五里橋東家世業儒迄今未艾

湖廣通志

史蒙卿字景呂後易字景正

戴表元撰史景正字序

肯之子

袁棟

撰墓志

生而奇頷秀目七歲善屬文十二入國子學江

萬里常挺時爲大小司成器待之

案陳善跋史景正嘉魚賦言賈似道

玩弄威權景正獨于公堂所課嘉魚賦與其書事詩  
明斥而專攻之其鋒鏑嚴于刀鋸斧鉞直以殺身成  
仁為己任他日有為獨行傳者非景正  
誰當是入國子學後事故附注之 會父肯之提

荆湖北往省從巴川陽岳學春秋

案宋史綱筆附傳及至正志皆言早

受業于陽格今攷程端禮讀書分年程議後云果齋  
及蒙卿之門未嘗言其師格黃潛亦云繼朱子之學  
者言暖淵陽枋陽岳以至于史氏據是知蒙卿所受  
業者乃岳非格宋一年歸復通周官兼詞賦墓志登咸

淳元年進士

志

授景陵縣主簿鄂帥呂文檄入幕

命諭蜀帥溫和解正陽圍溫疑呂猜阻不肯發蒙卿

微語憾之卽就道調穿山鹽場諭義勸輸戶不知有

垂擾十年

案江陰志職官表作寶祐六年任江陰軍學教授誤

改江陰教授復

改平江至是不復仕

墓志案蘇州府志除平江教授再調江陰課

自號靜

清處士

學案

爲詩多感憤自喻王應麟嘗曰思深辭悲

學陶潛得之者

墓志

初四明之學祖九淵

學案

蒙卿始由

陽氏以溯朱學

全祖望說清書院記

著書立言一以朱子爲法

宋史附傳

晚歲罹厄窮講道不輟從者益眾

墓志

程端禮端

學兄弟皆受業焉

聞志

以天台多名山心樂之僑居者

八年大德十年卒年六十蒙卿孝悌遜讓出于自然

於諸經窮探微旨證墜緝缺不溺于諛聞剖釋正大

折衷前哲論古今得失必探情僞以暴其罪爲古遠

文不雜異說手鈔口講更僕不能以盡

墓志

鄉人稱爲

果齋先生

至正志

弟芳卿博學著書仕至司戶參軍入

元改授不赴

全祖望答萬經帖子

吳思齋字子善永康人松淵先生子少穎悟做父爲古文卽可誦季父國子監丞天澤器之悉授以所學由任子入官監臨安府新城稅後調爲嘉興丞數以書與用事者言賈似道母喪不宜用鹵簿又言御史俞浙以論謝堂去職宰相附貴戚塞言路如朝廷何凡所爲要以直遂其志第知有是非不知有毀譽禍福也未亡隱浦陽家無儋石之儲有勸之仕者輒謝曰譬猶處子業已嫁矣雖凍餓不能更二夫也所善

惟方鳳謝翱相與放遊山水間登嚴陵山慟哭西臺  
自號全歸子學者尊其行爭師之年六十四手編聖  
賢順正考終之事曰俟命錄錄成賦詩別諸友遂卒

宋元  
學案

黃丙炎字純宗崇仁人咸淳進士歷官宗正簿北兵  
至黃萬石棄撫州走丙炎不能挽遂歸隱劉伯宣姚  
燾高凝爲憲使具禮幣迎丙炎於洪學聽其講說遣  
子受學欲薦於朝固拒之子與孫字祖烈十歲能詩  
文丙炎歿憲使辟典孫經繼其事皆再世稱弟子翰  
林集賢交薦不赴

人物志



王炎午原名鼎翁別號梅邊學者稱梅邊先生庭珪  
諸孫自幼力學業春秋爲太學上舍生與文天祥同  
遊宋亡天祥募兵勤王炎午謁軍門勸天祥毀家產  
供給軍餉以倡士民助義之心又請購淮卒參錯戎  
行以訓江廣烏合之眾天祥嘉納目爲小范老子欲  
授職從戎以母病不果及天祥被執爲生祭文累千  
五百言其畧曰鼎翁丞相鄉之晚進士也進而父沒  
退而國亡生雖媿陳東報汴之忠死不效陸機入洛  
之恥忠肝義膽凜然如秋霜烈日蓋欲爲一死而無  
可死之地故以死望丞相云云自以太學舊生世移

運改遂終身不仕奉母至孝三十年不懈母沒廬墓  
三年設像以祀嘗以事宿邑城夢母謂曰夜來侍婢  
不謹火吾衣幾及吾面且趨至家謁遺像果爲跋燭  
所熱及面而止由是家居不復出

江西  
通志

鄭思肖字所南號憶翁福建連江人父起思肖少遊  
太學補上舍生豪邁有雋才爲文章不起草隨父寓  
居臨安元兵南下痛國事日非叩閭上章不報宋亡  
貨其所居得錢則周人之急有田數十畝寄諸寺令  
僧以歲入爲祀祖禱惟餘數畝資衣食仍謂佃客曰  
我死則汝主之蓋不以家爲矣素不娶子然一身歲

時伏臘輒向南野哭矢不與北人交接聞北語則掩耳走人知其偏僻不以爲異也坐臥未嘗北向扁其室曰本穴世界以本字之十置下文則大宋也精墨蘭畫成卽毀之人求之甚靳自更祚後畫蘭不畫土根人詢其故則曰地爲他人奪去汝猶不知耶有邑宰愛其畫知不可得脅以賦役思肖怒曰頭可斫蘭不可得宰竒而釋之平日所作詩文惓惓不忘故君遇宋臣仕元者雖素交必與之絕嘗云天下皆變吾觀其不變乃所以變其變者物也不變者道也又云古人重立身今人重養身立身者蓋超乎千古之上

與天地周流於不識不知之天也養身者惜一粟以活微命役於萬物死於萬變者何足道哉著書甚多有大無工十空經一卷空字去工而加十爲宋隱爲大宋經廬詞奇語莫知所謂自題其後云臣思肖嘔三斗血書此後當有具眼識之疾亟屬其友唐東與曰思肖死矣煩書一牌當云大宋不忠不孝鄭思肖傷國家之滅亡也語訖而絕年七十有八初思肖上疏語多觸元忌俗以是爭目之遂變今名隱吳下思肖寓意思趙名與字皆然其初名竟莫得而傳

趙熊  
蘇州

府志

鄧光薦字中父廬陵人文天祥門友也少負奇氣以詩名世登進士第江萬里屢薦不就後客文氏贊募勤王挈家人閩一門十二口同時死賊火中乃隨駕厓山不數日厓山潰光薦赴海者再輾轉不死敵人援出之元帥張宏範改容以待後同天祥送燕京至建康囚天祥於驛中而寓光薦于天慶觀得從黃冠歸天祥賦詩三章送別又與其弟書曰鄧先生真知吾心者吾銘當以屬之

江西通志

宋史翼卷三十四終

男樹  
校字



壺 發

周 樸

陸 釗

劉友益

張千載

羅公升

皇甫明子

衛富益

方 鳳

胡大壯

汪宗臣

汪庭桂

汪炎杲

江 愷

孫 嵩

滕 堞

陳 深

于 石

危復之

趙 德

趙若煥

莊 肅

殷 澄

謝翺字臯羽後徙浦城福建福安人父鑰性至孝喪母廬墓哀毀動人絕意仕進閉戶治春秋經傳翺世

其學咸淳初試進士不第棄舉子業慨然以古文名家撰皇朱饒歌鼓吹曲騎吹曲上太常樂工傳習之德祐二年元兵入臨安以恭宗北去丞相文天祥亡走閩中開府南劔翔傾家貲募鄉兵數百人赴軍門署諮議參軍明年隨天祥引兵至漳州已而天祥趨廣東與翔別翔浮海流泊溫處間凡四年聞天祥在燕京殉節悲不自勝每見山水池榭雲嵐草木與天祥所別處偶似者則徘徊顧盼恍若夢寐後三年至平江過天祥制閩舊治望夫差之臺而哭焉遂東遊紹興上會稽循山左右窺祐恩諸陵復哭天祥於越



臺紹興故多大族日延致遊士以賦詠相娛翺時出  
所長見者皆歎爲不及然莫知其爲天祥客也惟義  
士唐珏密與訂交翺慮久不去人將虞我作冬青棧  
引別珏而行之婺州依浦江方鳳時永康吳思齊亦  
來鳳所遂借隱山中一不問當世事翺嘗欲訪司馬  
遷法采獨行全節事作月表如秦漢之際書未及成  
邀同志結汐社自鳳思齊外婺方幼學方燾睦馮桂  
芳翁登登弟衡皆與焉其曰汐者取諸潮汐旣而信  
也居逾年與思齊等買舟浮七里瀨謁嚴光祠祠後  
有東西二釣臺翺登西臺上設天祥主荒亭隅再拜

跪伏號而慟者三乃以竹如意擊石作楚歌招之曰  
魂朝往兮何極暮歸來兮關水黑化爲朱鳥兮有嘯  
焉食歌闕竹石俱碎旣下移榜中流賦詩懷古日暮  
雪作天陰風凜冽愀然謂思齊曰阮步兵死空山無  
哭聲且千年矣於是相向感喟皆淚下不能禁甲午  
歲寓臨安年四十有六矣有劉氏者女以文始買屋  
西湖上前代遺老尙多存者咸自詫見翺晚明午復  
至婺睦尋沙社舊盟是夏由睦返臨安肺疾作逾數  
月卒翺刻厲憤激視世間流俗人若將挽已者效屈  
平懷郢都託興遠遊自號歸髮子遇談勝國事輒嗚

咽性嗜山水然足跡非奇絕處不到如雁山鼎湖蛟  
門候濤沃洲天姥野霞碧雞四明金華洞天探幽挾  
禪著撰遊錄多昔賢文字所未及先是建炎中江端  
友呂居仁朱翌辟地白雲原原故唐方干所居在釣  
臺之南翺遊而樂之曰吾死葬此足矣且欲爲文冢  
瘞所作稿疾革語妻劉氏曰吾去家千里交遊惟方  
韶卿吳子善輩最親慎收吾文及吾骨授之韶卿卽  
鳳子善卽思齊也鳳與思齊等卒如翺前言以葬翺  
嘗以朋友道喪吳越無挂劍者思合故交名氏作許  
劍錄勒諸石至是鳳等復爲建許劍亭於墓右從翺

志也。翺無子，其徒吳貴祠之。月泉書院云：福建通志一百九十七

劉辰翁字會孟，廬陵人。補太學生。壬戌廷試，買似道專國，欲殺直臣以塞言路。辰翁因言濟邸無後，可憫忠良戕害，可傷風節，不競可憾。雖忤買意，而理宗嘉之。實內第以親老請濂溪書院山長。江萬里、陳宜中薦居史館。除太學博士，皆固辭。宋亡，託方外以歸。有

須溪集子，尚友亦能文。

江西林志

王奕字伯敬，玉山人。爲邑博，與其子介翁居玉琊峯，讀書其中。素與文天祥、謝枋得友善，及枋得就執北

行送之有詩云兩生無補秦與廢一出仍關晉重輕  
白骨青山如得所何須兒女哭清明詞旨激烈宋亡  
建斗山書院杜門不出所著有東行稿

人物志

胡次焱字濟鼎婺源人登咸淳四第授迪功郎湖口  
主簿以便養改貴池尉既任簽憲郡幕錄五縣囚稱  
平允有鬼物慙斃死者爲白其寃德祐乙亥元兵至  
境都統制張林已納款有與異者輒收殺之次焱念  
親老無子弟供養託公事過東流縣作冢道旁書木  
爲表識曰貴池尉死葬此下脫身而歸以易教授鄉  
里人稱梅巖先生或勸其仕作媒婺問答詩以見志

所著有四書注唐詩絕句附注文公感興詩注行世

新安文獻志八  
十七胡主簿傳

孟文龍字震翁亞聖之後宋昭慈后五世姪孫也高祖信安郡王忠厚鎮吳遂占籍爲吳人初以世賞補將仕郎後中銓試受迪功郎監華亭船場調嚴州錄事參軍再調兩浙西路安撫司准備差遣時賈似道枋國百僚多墮法就風旨文龍獨守職屢忤其意不少回丞相章鑑樞密趙順孫交薦不報調從政郎浙東提舉常平幹辦公事丁內薦不行始自咸淳以來被命主昭慈祀事元兵壓吳文龍奮激與守臣議不

合返哭昭慈廟後平章史弼等薦起之文龍致書曰  
文龍未死慙負神明羣公相國以忠孝文龍爲羣公  
起將何以令今之事君者敢以死辭遂止不出戶庭  
者三十年子潼字宗鎮官至松江府判官篤學勵行  
嘗卽故居建鄒國公廟創性善家塾以教其族黨

盧熊

蘇州府志

張慶之字子善其祖從建康徙吳父明字子聰氣岸  
奇偉慶之少有志操爲舉子業逮長棄不習出入經  
史百氏精思積年擬太立作測靈又撰孔孟衍語絕  
意仕進好爲山水之遊著虎邱賦因號海峯野逸傲

五柳先生作海峯遺民傳以伯夷蔣詡陶潛司空圖  
自況且謂沈冥似海峻屬似峯時人尙其狷介初文  
天祥知平江慶之齒諸生之列洎國亡集杜詩備述

天祥平生大節

盧熊蘇州府志

俞琰字玉吾蘇州吳縣林屋山人人生宋寶祐間以詞  
賦稱宋亡隱居著書尤好鼓琴既老自號石澗卒於  
元貞間年七十子仲溫克承其志孫貞木

盧熊蘇州府志

黎立武字以常江西贛渝人年二十八入太學二十六  
登咸淳進士第三授承事郎簽書鎮南軍節度判官  
除太學錄通判袁州除宗正寺主簿召試館職除祕



書省校書郎遷著作佐郎擢軍器少監兼國子司業  
國亡間道歸里逮事二親閉戶三十年北來達官禮  
之如天人通判袁州時有同僚言殺一牛活萬蟻立  
武駁之曰萬蟻固可憐一牛何罪眾稱善官祕書省  
時閱二郭氏中庸郭游程門立武思嗣其傳故于大  
學中庸等書間與世所宗尚者異義生平著述積稿  
如山演釋舊聞敷暢新義有圖有贊有講義今惟中  
庸指歸中庸分章大學發微大學本旨存卒年六十  
八私謚元中子

吳文中集元  
中子墓碑

汪元量字大有爲詩感慨有氣節嘗以善琴受知紹

陵宋亡從二宮北去留燕甚久時故宮人王清惠張  
瓊英皆善詩相見輒共涕泣或至文文山銀鑰所作  
拘幽十探文山倚歌和之元祖聞其名召入鼓琴一  
再行乞爲黃冠歸錢塘旣歸往來匡廬彭蠡間莫測  
其去留之跡自號水雲子有水雲集自奉使出疆三  
宮去國所歷故都遺跡可喜可謔可歌可泣者皆收  
拾於詩劉辰翁馬廷鸞目爲詩史

錢塘縣志

徐天祐字受之山陰人以父相思爲將仕郎銓試詞  
賦第一尉歸安時年尙少卽以吏事稱嘗出郊吏具  
供帳甚飾天祐詰所從出吏以例對天祐曰費出於

官則犯法於民則重擾例安可用盡卻之貴人居邑者將囑事出謂人曰吾見尉自不敢有所請中進士第爲大州教授日與諸生講經義聽者感發德祐二年以國庫書監召不赴退歸城南杜門讀書四方學者至越必進謁天祐高冠大帶議論卓卓見者以爲

儀刑

兩浙名賢錄

徐欽字汝敬豐城人家藏書數萬卷無不覽記通六經工詞賦試胄監參太學明善齋內侍董宋臣除押班主管太廟及國信所都大提點欽率同舍生抗疏謂國信不可付闍寺內臣不可預兵權主管太廟不

可用刑餘不祥之人疏入不報入元不仕開梧博陽  
精舍集生徒延老成爲之師羣盜過門皆斂戢去

西江

通志

曾子良金谿人三歲不言伯父容安教之誦詩則點  
首應語一夕見月忽能成誦及長篤志性理之學登  
咸淳第奉母歸養入元程鉅夫以遺逸薦不赴扁節  
居二字於堂以示志學者稱平山先生所著有易雜  
說中庸大學語孟解聖宋頌百行冠冕詩續言行錄  
詩廣崇類稿咸淳類稿

人物志

龔開字聖子號翠巖山陽人嘗寓於吳博學好古負

才能尙節氣而甚遠於經術間爲詩文皆清勁古雅  
遊戲翰墨爲山水人物尤卓絕不凡時多尙之嘗爲  
韓忠武斬王孫亦顏作清涼居士圖清涼居士卽王  
也涼帽野服控一長耳二三童子相後先遨遊湖山  
間且題曰王有補天浴日之功而自逃於佛乘有驅  
貔貅洗河洛之志而自晦於驂鞍之上悲夫想像其  
布置及所題之辭概可見矣居吳之日高郵龔璠爲  
忘年友時人謂之楚兩龔以比漢之兩龔方虛谷嘗  
稱其詩老筆有骨議論典刑平生長髯及腹行走如  
飛意氣令人感動

盧熊蘇州府志

祝泌字子涇德興人以進士授饒州路三司提幹俸  
邵氏皇極之學於廖應准年老乞休御書觀物樓扁  
額賜之元世祖詔徵不赴著有觀物解六壬大占祝

氏祕鈔

府志

周屋字良載鄱陽人咸淳進士署江東提刑幹辦時  
江淮屢警屋繕城堡豐儲時爲扞禦計德祐乙亥元  
兵圍饒屋奉母入保郡城母卒旣殯而城危丞相江  
萬里守臣唐震死之元將諭眾能以城降者除郡守  
衆推屋署降表屋泣辭夜遁南土平當路交薦起南  
鏞治中同知廣州總管皆不拜結廬母墓下杜門隱

居創述城市後以孫伯琦貴累封番陽郡侯屋明經  
博學儷儷尚氣節世以魯仲連擬之稱曰梅山先生

豫章  
書

程時亨字登庸樂平人自少慕義理之學聞董銖得  
朱子之傳而鄉鄰程古山學於董盤澗者因往師之  
搜探幽微會博於約咸宿甲戌寇擾中原朝廷不廢  
科舉舊制合江東九路士試之時登哀然首舉明年  
入太學又明年而宋鼎移矣歸杜門謝游客四方請  
益輻輳盈席一時名流多出其門元訪遺才每物色  
之輒謝去

人物  
志

曹應符字泰叔號梅渚謹身飭行爲鄉里推重咸淳  
初兩領鄉薦十年登進士第授迪功郎衢州司戶參  
軍會宋亡遂隱不仕光遠號東洲應符之族咸淳五  
年進士辟監華豐莊改軍器監簿宋亡衣冠不改人

稱大頭巾相公云云

顧志節義

吳錫疇字元範後更字元倫號蘭臯休寧人自勝先  
生子也生五歲而孤能自刻志於學居常以不違事  
親爲恨每展墓攀號不能自已伯氏持家破其產幾  
盡疇年甫十六或教之訟泣謝曰貧富命也二祖以  
孝友名世而吾兄弟輒論財產若先訓何聞者賢之



貧窶終身不爲芥蒂三十卽罷去舉子業乃究心家  
學復不自滿從鄉先生程若庸研覈性命之蹟上探  
考亭之緒咸澹間有從南康郡庠誦疇講篇者葉侯  
聞之不勝敬歎特致書幣聘爲白鹿洞書院堂長  
不赴未幾南土軍興羽檄交馳於道疇乃有厭世意  
慕徐稚茅容之爲人所居藝蘭以況嗜爲詩丞相程  
元鳳修撰呂午吏部方岳史君方回皆亟稱之自卜  
生塋爲息阿樂其林谷之勝每以卽死歸藏爲幸歿  
於景炎丙子年六十二所著有蘭皋集若干講義若

干篇

休寧  
縣志

壺巖字怡樂號萬菊居士烏程人幼以孝弟稱及長  
恥事元隱不出工詩詞有樵雲集集中稱宋謙之或  
曰無名氏曰宋者不忘本也曰無名氏恥成名也其  
詞曰壺山居士未老心先懶壺山寓姓未老心先懶  
寓不仕意也又曰身在玉壺邊曰梅瘦玉壺中皆此  
意也龍泉章三益師之他門人之顯者以百計有怡

樂墓志

烏青志

周樸字吉甫鄱陽人初從學於張采奇其才處之家  
塾樸以其知己事之不去時盜起江湖間州將以采  
知兵使督州兵討之盜有張家僮率眾掠邑里采將

攻之而賊先發遂遇害樸走告州將誓欲爲張復讐  
州將義之授以兵兵寡議者勸更募之樸曰我募而  
眾彼亦眾矣不若出不意急擊之卽擣賊所屯賊窮  
以金擲地兵爭取金賊脫去立斬數人以徇慷慨流  
涕誓不與賊俱生眾感動願效死力攻一寨破之餘  
寨皆走乘勝追擊斬首數千生禽僮斬之殂其心肺  
爲文祭其師境內賊寨數十悉平之元兵至州將唐  
震死之眾勸樸降太守可得樸曰吾爲師復讐而已  
他豈所望哉卽日散遣所部隱居不復言功名

林志

陸釗字一思福建福州人左丞相秀夫子端王歿秀

夫與張世傑陳宜中等立衛王爲帝奉駕至楓亭蔡  
曰忠感異夢以女爲秀夫次室而有孕遂留於楓亭  
而生釗厓山之難秀夫殉國蔡氏聞之以秀夫別時  
衣冠招魂葬於莆之嵩山元元貞二年命宣撫李文  
虎訪秀夫子錄用釗卻聘以詩謝文虎歎曰孝子出  
於忠節之門無容強也初遷莆後復居楓亭終元之  
世其子孫無有仕者

福建通志

劉友益永新人系出清江居平力學嘗傭書於人以  
給膏火鈔綴講習凡經傳子史天文地志律厯象數  
靡不淹貫爲人內剛木而外疏通練達世務宋季杜

門不與世接世稱水窗先生年八十五卒揭侯斯銘  
其墓積勤三十餘年著通鑑綱目書法五十九卷人  
志

張千載字毅甫廬陵人與文天祥友天祥貴時屢辟  
不出及天祥被執北上過吉州千載涕出相見曰丞  
相往千載亦往往卽寓天祥囚所近側三年供送飲  
食無缺又密造一櫝天祥授命日卽藏其首負骸南  
歸付其家安葬

穀耕錄

羅公升字時翁永豐人大父開禮號水心翁公升少  
有才略以軍功授本邑尉傷大父死節傾資北遊燕

趙與宋宗室趙孟榮諸公圖復宋祚知勢不可爲回  
經錢塘江作弔胥灣賦以自寓今載集中餘詩亦多  
感憤語公升有弟宋亡亦不仕父死於寇廬墓號泣  
不御酒食肉者七年蓋孝義萃於一堂云所著有石

初集

元無名氏  
滄洲翁傳

皇甫明子字東生性豪宕乘小舟挂布帆載琴尊書

藉釣具往來江湖德祐二年

案原作至元丙子乃順  
帝後至元二年與宋無

涉至元丙子當係德祐丙子之誤  
故錢志改爲德祐二年今從之發狂痛哭賦海口

詩曰窮鳥迷孤青颺風蕩頑寒不知是海口萬里空

波瀾蛟龍時幽沈怒氣雄屈蟠崢嶸扶秋陰挂席潮

如山燐惑喪南紀大去何時還雲旗光慘澹腰下青  
琅玕誰能居甬東一死諒非難嗚呼朝宗志曾見桑  
海乾遂溺海死

音谷

衛富益華亭人自號畊讀居士文節公涇裔孫朱亡  
日夜悲泣設壇祭文天祥陸秀夫張世傑辭甚哀慘  
嘗從金履祥許謙受學謙以齒齊名重不敢當北面  
禮許卒爲制服自以宋世遺民絕意仕進隱居教授  
究心性命之學創白社書院春秋社日與布衣友賦  
詩講道指紳不得一與後攜仲子隱湖之金蓋山著  
四書考證性理集義易經集說讀史纂要耕讀怡情

等錄至治間以長子迎養還故里不談世務不履城  
市或有乞詩文者辭之一日遽微疾悉焚所著書集  
曰吾志晦迹安用名世況元妙處宋儒究盡吾錄糟  
粕何益於後乎卒年九十六門人私諡曰正節先生  
董斯張吳  
與備志

方鳳一名景山字韶父浦陽人生有異才嘗出遊杭  
都盡交海內知名士將作監丞方洪奇其文以族子  
任試國子監舉上禮部不中第主閣門舍人王翺家  
教其二子大小登後以特恩授容州文學未幾宋亡  
自是無仕志益肆爲汗漫遊一日復遊杭大登爲選



國臣奉使上國相持位下風欲與俱行人勸止之風  
善詩通毛鄭二家言晚遂一發于詠歌音調淒涼深  
于古今之感臨歿屬其子構題其旌曰容州示不忘  
也嘗謂學者曰文章必真實中正方可傳他則腐爛  
漫漶當與東華塵土俱盡性不喜佛老讀唐傅奕傳  
壯其爲人摯奕後聞異教者數十事題之曰正人心  
書尙未完他所著詩二千餘篇曰存雅堂稿黃晉卿  
吳立夫柳道傳諸文章家皆出其門構字壽父亦精

于詩

宋元  
學案

胡大壯字履季福建崇安人研究經術不事科舉躬

耕自給足不履城市學者稱西園先生帥臣曹彥約  
提舉樂章相繼薦於朝本州延爲嶽麓書院堂長皆  
力辭不就

福建通志

汪宗臣字公輔婺源人咸淳中兩中選宋亡不仕與  
弟季洲同居子姓四百餘指和氣雍雍嘗著書曰世  
乘窺班詩文曰紫巖集年九十二逮見五世胡雲峯  
序之歎爲盛事云

新安文獻志紫巖先生行狀

汪庭桂字秋芳婺源人年十八舉進士授紫陽書院  
山長積階至迪功郎廣德軍司戶參軍善騎射熟孫  
吳兵法宋亡遂絕意仕進劉國公平安南版授本省

左司郎中辭不就徽州路監郡馬思忽一見恨識之  
晚言五事凡誅黜吏十數平反死獄者二出僞楮株  
連者百人馬服其明允政有未達輒咨訪之庭桂事  
親孝好義樂施諸父兄弟病於征徭者佐以私財親  
族鄰里死無所歸者給以衣棺修川梁道路以濟往  
來出儲蓄以濟流殍居家嚴而有恩妻子聞其罄款  
皆斂手正容晚構樓西山麓以自娛焉

新安文獻志  
九十二存耕

處士  
墓誌

汪炎景字懋遠號古逸民婺源人幼有奇志從孫元  
京江雪缸諸逸民遊有能詩聲江古修命次新竹詩

有日待成竿後節方露自作箏時心已虛古修歎異  
之方虛谷一見詫曰不意吾州復有此人其門人趙  
沆嘗以其詩示虞集集曰此豪傑士也山林中乃有  
名作若是者乎其學淵源六經取朱子四書旁采博  
擇而發揮其微旨每有所得則疏之名曰四書集疏  
其教人必使循序漸進去華務實其爲文奇而有法  
詩微婉遒勁亦時出於悲壯激烈然自視無可爲者  
教授之餘未嘗有所計度或反關不出動十數年故  
當時惟傳其詩文而已其胸之所蘊不可知也

趙沆  
東山

集汪古  
逸行狀

江愷字伯幾婺源人許月卿一見以爲不凡以女妻之遂受學焉初貢禮闈宋亡隱居冲陶石室時婺源貢楮絲官吏競贖貧民甚病之愷以書白部使者貢遂得蠲程苟軒龍嘗稱之曰欲知隱不爲徒隱須看當時二幅書人稱雪石先生著有四書詩經講義其

裘集等書

徽州府志

孫嵩字元京休寧埜山人以薦入太學宋亡歸隱山中自號艮山以示意有艮山集杜門賦詠淒斷淪絕時婺源許月卿宋亡制齋衰服之以居月卿壻江愷及汪炎昶皆絕意當世俱從嵩遊方回得嵩詩歎曰

持此以見朱文公可無愧矣弟巖字次舉號爽山亦

以詩名所著有爽山集

新安文獻志八十八孫上舍傳

滕堞字仲塞一名迴婺源人宋末性高遠財有贏  
餘卽以濟窮困爲文自成一家書有晉人風度入元  
不仕求得文丞相過金陵驛詩懸於堂焚香拜泣又  
過西湖拜岳將軍墓賦詩弔之有相對含悲石翁仲  
老衰無淚落秋風之句黃文憲公籍誌李與廉之墓  
云聞滕先生堞會朱陸之學而得其同率朋往就講  
學其見重如此所著有星巖集學者稱星巖先生

新安

文獻志八十八  
星巖傳

陳深字子微蘇州吳縣人生於宋習舉子業宋亡篤志古學閉門著書弟子受業者戶屢恆滿江浙參政王部中亦出其門嘗寓意筆札天厯間奎章閣臣以能書薦潛匿不出以終別號寧極學者稱寧極先生子植字叔方少負才氣旣而折節讀書有孝行晨夕躬事庖饌親之中裙廁踰手自浣濯更世變以琴書自娛辟召皆不起

盧熊蘇州府志

于石字介翁蘭溪人因所居鄉自號紫巖晚徙城中更號兩溪貌古氣剛喜談諧早慕杜氏五高之爲人後從王定菴業詞賦接聞諸老緒論其學多所通解

自負甚高未改物後隱居不出一意於詩出入諸家  
豪宕激發氣骨蒼勁望而知爲山林曠士一時言詩  
者皆莫能及仁山金先生嘗序其集

萬曆金華府志

危復之字見心臨川人博覽羣書工詩尤邃於易朱  
末貢補太學至元初元郭昂薦爲本路儒學官不就  
廷累遣奉御察罕翰林應奉詹玉以幣徵之皆不起  
隱於紫霞山從學者眾及卒門人私謚曰貞白先生

人物志

趙德朱宗室博學工文舉進士宋亡隱居南昌之東  
湖自號鐵峯嘗著四書箋義五經辨說行於世

林志



趙若煥字堯章宗室子也居進賢年二十三值國運  
革賦草之茂三章援琴而歌與箕子麥秀同悲所著  
有中庸講義適情小稿逸民自得合若干卷平居未  
嘗免冠褰裳嗜酒不至醉每微酣令人歌淵明歸去  
來辭自吹洞簫以和之年八十卒

林志

莊肅字恭叔號蓼塘居青龍鎮仕宋爲祕書小史宋  
亡棄官浪迹海上性嗜書聚至八萬卷手鈔經史子  
集下至稗官小說靡所不具書日以甲乙分十門至  
正間修宋遼金三史詔求遺書危素購於其家得五  
百卷所著有藝經畫繼餘譜傳於時

松江府志

殷澄字公源居胥浦在宋避諱爲戴氏父某宋節幹  
官家富好施人目殷佛子澄性介特平生無宿諾見  
義必爲避地南錢元兵入華亭南錢猶保聚不下將  
軍號楊掃地者怒欲屠之澄奮曰我可無一言而死  
乎遂叩軍門大言曰夫民猶水也水順則流逆則激  
民順則寧逆則亂今郡縣新附將軍不撫綏招來以  
稱示神武不殺之意願欲盡勦斯民乎楊怒手劔叱  
之澄正色曰殺我一人活千萬人死猶生也語益烈  
楊感悟而止全活者以萬計丞相伯顏聞而義之授  
華亭軍民都總管使守其地澄不受曰大宋亡我以

親在不死願獨不能逸乎遂野服隱居浦上時游峯  
柳間人目爲柳南浪翁

郭志  
獨行

宋史翼卷三十五終

男樹

韓

校字